

1^u Cuncursu de poesia in limba sarda

“Tessende rimas” - 2025

iscadèntzia su 15/09/2025

REGULAMENTU

1) Su Cuncursu e is organizadores. Sa Provìntzia de Aristanis, cun s'agiudu de sa Regione Autònoma de Sardigna – Assessoradu de s'Istruzione pùblica, Benes culturales, Informu, Ispetàculu e Isport – Servìtziu “*Limba e Cultura sarda, Editoria e Informu*” (Avisu Tu.Li.S. 2024) e de su Comune de Aristanis – Assessoradu de sa Cultura, a manos de pare cun sa sotziedade cooperativa “*L'altra cultura*” e cun s'assòtziu “*Arrepentina e Mutetus*”, cuncordat sa prima editzione de su Cuncursu de poesia in limba sarda “*Tessende rimas*” - 2025.

2) Sa punna de su Cuncursu. Sa punna de su Cuncursu est sa de abbiatzare e avalorare unas cantas formas de espressada poètica de su connotu de su Cabu de Giosso de Sardigna, de su Barigadu, de su Mandrolisai e de su Gultzier, bastante apretziadas e ispartas ancoras in is annos Setanta e Otanta de su Noighentos, ma chi a dies de oe sunt in suferèntzia e arriscant de isparèssere pro more de s'ismèngua de su nùmeru de poetas chi ddas pràticant e de su nùmeru de is amantiosos chi ddas ascurtant e/o chi ddas leghent.

3) Is setziones de su Cuncursu. Su Cuncursu est partzidu in tres setziones:

- **Setzione 1** – Repentinas e cantzones a curbas o longas: poesia de meledu, istèrrida a taulinu, in forma iscrita;
- **Setzione 2** – Mutetos e mutos de genias diferentes: poesia de meledu, istèrrida a taulinu, in forma iscrita;
- **Setzione 3** – Repentinas, mutetos e mutos de genias diferentes: poesia a cantu dae sè, ghetada a bolu; cantzones a curbas o longas, cantadas, bastet chi siant originales (depent èssere pensadas e iscritas dae su poeta candidadu e mai premiadas in àteros cuncursos).

4) Règulas pro pigare parte a su Cuncursu e iscadèntzia.

4 a) Onni cuncurrente, a sèberu suo, podet mandare totu a su prus duas poesias: una pro sa setzione n. 1 e una pro sa setzione n. 2, iscriende-ddas seberende intra de is formas mètricu-poèticas de su connotu de su Cabu de Giosso de s'Ìsula, de su Barigadu, de su Mandrolisai, de su Gultzier: sa repentina (a sa dereta, retrogada, riepilogada, madrigale, quartu froridu, etc.), sa cantzone a curbas o cantzone longa, is genias diferentes de mutetu (a duos pees, a tres pees, a bator pees, etc.; mutetu longu, a ispàniu, a coa longa, etc.) e de mutos (che a cussos de Barigadu, Barbàgia-Mandrolisai, Gultzier, Ogiastrea, etc.). In prus, onni cuncurrente si podet candidare comente a cantadore, pro presentare una o duas poesias a cantu dae sè, ghetada/s a bolu, pro sa setzione 3, sa die de sa tzerimònia de premiatzione. Comente si siat, su pròpiu poeta non podet èssere premiadu o mentovadu o signaladu duas bortas in is setziones 1 e 2, mentras podet pigare unu prèmiu e/o unu mentovu o signalatzione in una de is primas duas setziones e fintzas in sa de tres.

4 b) Is poesias iscritas mandadas pro is setziones 1 e 2 non podent propassare is 60 pees (versos). Is poesias cantadas a bolu in sa setzione 3 non podent durare prus de 10 minutos.

4 c) Onni cuncurrente tenet s'òbligu de inditare, a costàgiu de su titulu de s'òpera, su modellu mètricu-poeticu seberadu e sa setzione a ue dda mandat. Esempru:

Tìtulu (*Repentina retrogada – Setzione 1*)

Tìtulu (*Cantzone a curbas – Setzione 1*)

Tìtulu (*Mutetu a ispàniu – Setzione 2*).

4 d) Is òperas, a tema liberu, depent èssere in limba sarda, iscritas in cale si siat faeddada (de Cabu de Giosso o de Cabu de Susu, de Campidanu o de Logudoro, de Marmidda o de Gultzier o de Costera, de Trexenta o de is Barbàgias, de su Sàrrabus o de s'Igresiente o de Baronia, etc.), ma respetende – pro cantu faghet – is règulas de L.S.C. (Limba Sarda Comuna), aprovadas dae sa Giunta regionale cun deliberatzione n. 16/14 de su 18 de abrule 2006, postas paris cun su *Repertòriu grafemàticu isperimentale* aprovalu dae sa Giunta regionale cun deliberatzione n. 18/13 de su 10 de làmpadas 2022.

Pro esempru, at a faghene a iscriere *frоре* ma fintzas *frori, cane e cani, coro e coru, domo e domu, ite cherent o ita bolint, isse màndigat chibudda o issu papat cibudda*, e aici sighende. Sa punna, comente giai naradu, est sa de abbiatzare e avalorare custas formas poèticas de su connotu de sa provìntzia de Aristanis e de su Cabu de Giosso de s'Isula, chi però si podent iscriere in cale si siat faeddada locale (est a nàrrere *variedade geogràfica, dialetu*) de sa limba sarda, chircende de respetare però is inditos ortogràficos de sa L.S.C. postos paris cun cussos de su *Repertòriu grafemàticu isperimentale* aprovalos dae sa Regione.

Ischende chi s'iscola non nos at alfabetizadu in limba sarda e, duncas, chi poetas meda non connoschent is règulas de iscritura de su sardu aprovalas in is ùrtimos 20 annos, is espertos de sa Giuria, pro esprimere su parre issoro in contu de una poesia, no ant a pigare in cunsideru a istrintu s'ortografia, ma sa Provìntzia de Aristanis dd'at a pòdere assentare pro sa publicatzione de s'òpera – si at a resurtare premiada, mentovada o segnalada – in su libricheddu in formadu .PDF.

4 e) Is poesias pro is setziones 1 e 2 depent èssere anònimas (sena de firma, sena de logu e data, sena de àteros inditos, francu su titulu, s'inditu de su modellu mètricu-poeticu seberadu e sa setzione de su Cuncursu a ue si mandat). Bolent mandadas a intro de **lunis 15 de cabudanni 2025** – paris cun su **Modellu de partetzipatzione** compiladu:

– o cun e-mail a s'indiritzu limbasarda@provincia.or.it;

– o cunsignadas a manu a s'Isportellu linguìsticu de sa Provìntzia de Aristanis (abertu su martis, su mèrcuris e sa giòbia, dae is noe de mangianu a mesudie);

– o mandadas cun posta normale o cun Posta 1 (non cun racumandada!) a custu indiritzu:

Faina finantziada dae sa Regione Autonoma de Sardigna – Assessoradu de s'Istruzione pùblica, Benes culturales, Informu, Ispetàculu e Isport – Servìtziu “*Limba e Cultura sarda, Editoria e Informu*” – Avisu Tu.Li.S. 2024.

L. 482/1999 – L.R. 22/2018 – L.R. 6/2012

1^u Cuncursu de poesia “*Tessende rimas*” – 2025

Isportellu linguisticu

Provìntzia de Aristanis

Bia de su Senadore Carboni

09170 ARISTANIS

4 f) Is candidaduras pro sa setzione 3 si presentant compilende su ***Modellu de partetzipatzione***, chi bolet mandadu cun una de is maneras inditadas pro is setziones 1 e 2.

5) Sa Giuria de esperti e s’atzetatzione de su giuditziu. Is poesias presentadas pro is setziones 1 e 2, anònimas, e cussas cantadas a bolu in sa setzione 3 ddas at a giuigare una Giuria formada dae esperti (su nòmene issoro abarrat segretu e s’at a pòdere connòschere in sa tzerimònia de premiatzione). Sa Giuria at a esprimere unu parre chi non si podet cuntterrare, dennegare o iscontrariare in manera peruna. Su giuditziu de sa Giuria, duncas, non si podet appellare ne impugnare e su poeta, pighende parte a su Cuncursu, ammitet, cunfirmat e atzetat custa règula.

6) Prèmios e tzerimònia de premiatzione. In is primas duas setziones, sa Giuria at a assignare custos prèmios:

1^u prèmiu: € 350,00 (netos, bogada gai sa ritenuta de acuntu de su 20 %);

2^u prèmiu: € 250,00 (netos, bogada gai sa ritenuta de acuntu de su 20 %);

3^u prèmiu: € 175,08 (netos, bogada gai sa ritenuta de acuntu de su 20 %);

In prus, in is setziones 1 e 2, sa Giuria at a pòdere reconnòschere mentovos de onore (sena de dinari) e signalatziones ispetziales (sena de dinari), ma cun cunsigna de atestadu iscritu.

In sa setzione n. 3, imbetzes, sa Giuria at a assignare tres primos prèmios de € 258,36 onniunu pro sa mègiu arrepentina, pro sa mègiu cantzone a curbas o longa e pro su mègiu mutetu. In prus, ma sena de dinari, at a assignare su de duos postos e su de tres postos, aici etotu comentu at a pòdere reconnòschere mentovos de onore (sena de dinari) e signalatziones ispetziales (sena de dinari), ma cun cunsigna de atestadu iscritu.

Sa segreteria de su Cuncursu at a avisare a is poetas binchidores de is setziones 1 e 2 e a cussos candidados pro sa setzione 3 una chida in antis de sa tzerimònia de premiatzione, chi s’at a fàghere in Aristanis in s’acabbu de su mese de cabudanni 2025, a intro de su programma de su “*Cabudanni Aristanesu 2025*”. Is poetas premiados o mentovados o signalados in is setziones 1 e 2 ant a pòdere lèghere is poesias issoro a su pùblicu in antis de retzire su prèmiu/mentovu de onore/signalatzione ispetziale.

7) Propiedade intelletuale de is òperas e publicatzione. Sa propiedade intelletuale de is poesias mandadas o cantadas a bolu est e abarrat de is autores chi, pighende parte a su Cuncursu,

autorizant giai dae immoe sa Provìntzia de Aristanis a regòllere e publicare in unu libricheddu in formadu .PDF e/o in àudio-vìdeu is poesias issoro, si ant a resurtare premiadas o si ant a retzire unu mentovu de onore (sena de dinari) o una signalatzione ispetziale (sena de dinari). Sa Provìntzia at a pòdere currègere s'ortografia de is òperas a tenore de is Normas de sa L.S.C., aprovadas dae sa Giunta regionale cun deliberatzione n. 16/14 de su 18 de abrule 2006, postas paris cun su *Repertòriu grafemàticu isperimentale* aprovalu dae sa Giunta regionale cun deliberatzione n. 18/13 de su 10 de làmpadas 2022.

8) Informos. Pro àteros informos e crarimentos faghet a telefonare (su martis, su mèrcuris e sa giòbia a mangianu) a is nùmeros 0783/793413 o 334/8408008 o 349/6025986 o faghet a mandare un'e-mail a s'indiritzu limbasarda@provincia.or.it. Est proibidu a pregontare informos in contu de is espertos de sa Giuria, chi su nòmene issoro s'at a connòschere in sa tzerimònia de premiatzione isceti. Aici etotu comente sa segreteria de su Cuncursu at a iscoviare a is espertos de sa Giuria su nòmene de is autores de is poesias premiadas o mentovadas o signaladas in is setziones 1 e 2 a aprètziu acabbadu isceti.

A sa segreteria organizzadora de su 1^u Cuncursu de poesia **“Tessende rimas – 2025”**
c/o Isportellu linguìsticu de sa Provintzia de Aristanis

Bia de su Senadore Carboni

09170 **ARISTANIS**

limbasarda@provincia.or.it

Modellu de partetzipatzione

Sa/Su sutascrita/u _____ ,

nàschida/u in _____ , su _____ ,

residente in _____ , C.A.P. _____ ,

bia/pratza/cursu/arborada _____ , n. _____ ,

C.F. _____ ,

telèfonu _____ , indiritzu e-mail _____ ,

domandat de pigare parte a su 1^u Cuncursu de poesia “Tessende rimas – 2025”

e, pro cussu, mandat sa poesia intitulada _____ ,

chi est una/u (iscriere sa genia de ischema mètricu-poèticu presentadu) _____ ,

pro sa setzione (iscriere sa setzione a ue si mandat sa poesia: 1 o 2) _____ ,

e/o (pònnere una rughe, si bolet pigare parte a sa setzione 3)

☐ si càndidat pro presentare una poesia sua (cantada a cantu dae sè o imparada a memòria) in sa tzerimònia de premiatzione de su Cuncursu, chi s’at a fàghere in Aristanis in s’acabbu de su mese de cabudanni de su 2025.

Pighende parte a su Cuncursu de crarat de àere lèghidu bene su **Regulamentu** e de atzetare onni artìculu cun totu su chi previdet. In prus, autorizat su manìgiu de is datos personales cunformas a su D. Lgs. n. 196/2003, aggiornadu cun su D. Lgs. n. 101/2018 segundu is disponimentos de su Regulamentu UE 2016/679. De crarat de ischire chi responsàbile de su tratamentu de is datos est sa segreteria organizzadora de su Cuncursu, chi ddos at a impreare isceti pro su cuncordu e su contivìgiu de su Cuncursu etotu e de sa tzerimònia de premiatzione.

Logu e data _____

FIRMA
